



Broj: 0101-3799-11-LOT 1./18
Sarajevo, 01. 10. 2018. godine

Na osnovu člana 69. stav (1) tačka a), člana 64. stav (1) tačka b), člana 70. stav (1), (3) i (6) i člana 111. stav (13) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog otvorenog postupka za javnu nabavku usluge-LOT 1: Osiguranje zaposlenika od nezgode, u cilju okončanja postupka javne nabavke, postupajući po stavovima Ureda za razmatranje žalbi BiH, navedenim u Rješenju broj: JN2-03-07-1-1037-9/18 od 06. 09. 2018. godine, na preporuku Komisije za javnu nabavku broj: 0101-3799-10-LOT 1./18 od 28. 09. 2018. godine, rektor Univerziteta u Sarajevu je d o n i o

ODLUKU o izboru ponuđača i dodjeli ugovora

Član 1.

Prihvata se preporuka Komisije za javnu nabavku broj: 0101-3799-10-LOT 1./18 od 28. 09. 2018. godine i ugovor o javnoj nabavci usluge-LOT 1: Osiguranje zaposlenika od nezgode, dodjeljuje ponuđaču Adriatic osiguranje d.d. Trg međunarodnog prijateljstva 20, 71000 Sarajevo, čija ukupna cijena ponude iznosi: 13.284,00 KM bez PDV-a (slovima: trinaesthiljadadvijestotineosamdesetčetiri KM i 00/100), iz razloga što je u otvorenom postupku, ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

Član 2.

Izabrani ponuđač je dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja ove Odluke, dostaviti originale ili ovjerene kopije dokaza traženih tačkom 13.1. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

Član 3.

Ova Odluka će biti objavljena na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

O b r a z l o ž e n j e

Na osnovu Odluke o pokretanju postupka javne nabavke broj: 0101-3799-1/18 od 18. 06. 2018. godine, Univerzitet u Sarajevu je pokrenuo otvoreni postupak za javnu nabavku usluge-Osiguranje zaposlenika od nezgode, osiguranje imovine i osiguranje motornih vozila.

Postupak je podijeljen u 3 (tri) LOT-a:
LOT 1. Osiguranje zaposlenika od nezgode
LOT 2. Osiguranje imovine
LOT 3. Osiguranje motornih vozila.

Obavještenje o nabavci broj: 999-1-2-84-3-36/18 objavljeno je na Portalu javnih nabavki dana 22. 06. 2018. godine.

Istog dana, na Portalu javnih nabavki objavljena je i Tenderska dokumentacija broj: 0101-3799-3/18. Sažetak Obavještenja o nabavci broj: 999-1-2-84-3-36/18 objavljen je u "Službenom glasniku BiH" broj 44.

Na tendersku dokumentaciju nije bilo žalbe od strane potencijalnih ponuđača.

Komisija za javnu nabavku je u Zapisniku o javnom otvaranju ponuda prispjelih do 10. 07. 2018. godine do 10,00 sati, konstatovala da su ponude dostavila 2 (dva) ponuđača: "GRAWE OSIGURANJE" d.d. Trg solidarnosti 2, 71000 Sarajevo i Adriatic osiguranje d.d. Trg međunarodnog prijateljstva 20, 71000 Sarajevo.

U Zapisniku o otvaranju ponuda je konstatovano da nije bilo neblagovremenih ponuda.

Komisija za javnu nabavku je u Zapisniku o otvaranju ponuda sačinila sažetak ponuda primljenih u roku:

R. br.	Naziv i sjedište ponuđača LOT 1. Osiguranje zaposlenika od nezgode	Ponuđeni popust	Ukupna cijena ponude KM bez PDV-a
1.	"GRAWE OSIGURANJE" d.d. Trg solidarnosti 2, 71000 Sarajevo	0,0 %	1.647,00 (mjesečno) 19.764,00 (12 mjeseci)
2.	Adriatic osiguranje d.d. Trg međunarodnog prijateljstva 20, 71000 Sarajevo	0,0 %	1.107,00 (mjesečno) 13.284,00 (12 mjeseci)

Komisija za javnu nabavku je prema članu 65. Zakona o javnim nabavkama izvršila pregled i ocjenu ponuda, što je evidentirano u Zapisniku o pregledu i ocjeni ponuda broj: 0101-3799-6-LOT 1./18 od 12. 07. 2018. godine.

Nakon pregleda ponuda, Komisija za javnu nabavku je ponudu ponuđača "GRAWE OSIGURANJE" d.d. Trg solidarnosti 2, 71000 Sarajevo ocijenila kao prihvatljivu, a ponudu ponuđača Adriatic osiguranje d.d. Trg međunarodnog prijateljstva 20, 71000 Sarajevo ocijenila kao neprihvatljivu iz razloga koje je Komisija detaljno obrazložila u Zapisniku o pregledu i ocjeni ponuda broj: 0101-3799-6-LOT 1./18 od 12. 07. 2018. godine.

Na osnovu gore navedenog, Ugovorni organ je prihvatio preporuku Komisije za javnu nabavku i donio Odluku broj: 0101-3799-7-LOT 1./18 od 13. 07. 2018. godine o izboru ponuđača i dodjeli ugovora o javnoj nabavci usluge-LOT 1. Osiguranje zaposlenika od nezgode ponuđaču "GRAWE OSIGURANJE" d.d. Trg solidarnosti 2, 71000 Sarajevo.

Ponuđač Adriatic osiguranje d.d. Trg međunarodnog prijateljstva 20, 71000 Sarajevo, putem punomoćnika-Advokatsko društvo MILAS,MARTINOVIĆ&PARTNERI, advokat Faruk Hadžić iz Sarajeva, dana 24. 07. 2018. godine, izjavio je žalbu protiv navedene Odluke o izboru ponuđača i dodjeli ugovora.

Ugovorni organ je Žalbu ponuđača uz izjašnjenje proslijedio Uredu za razmatranje žalbi.

Ured za razmatranje žalbi BiH je Rješenjem broj: JN2-03-07-1-1037-9/18 od 06. 09. 2018. godine usvojio žalbu ponuđača Adriatic osiguranje d.d. Trg međunarodnog prijateljstva 20, 71000 Sarajevo i poništio Odluku Ugovornog organa broj: 0101-3799-7-LOT 1./18 od 13. 07. 2018. godine o izboru ponuđača i dodjeli ugovora ponuđaču "GRAWE OSIGURANJE" d.d. Trg solidarnosti 2, 71000 Sarajevo, te predmet vratio Ugovornom organu na ponovno odlučivanje.

Navedenim Rješenjem Ured za razmatranje žalbi BiH je obavezao Ugovorni organ da u nastavku postupka, u skladu sa stavovima Ureda i odredbama Zakona o javnim nabavkama, okonča predmetni postupak javne nabavke.

Postupajući po Rješenju Ureda za razmatranje žalbi BiH, koje je konačno i izvršno, Ugovorni organ je nastavio postupak u skladu sa stavovima Ureda za razmatranje žalbi BiH i odredbama Zakona o javnim nabavkama BiH, a sve u cilju okončanja postupka.

U skladu sa članom 65. stav (1) i (2) Zakona o javnim nabavkama Bosne i Hercegovine ("Službeni glasnik BiH" broj: 39/14) i članom 18. stav (1) Uputstva za pripremu modela tenderske dokumentacije i ponuda ("Službeni glasnik BiH" broj: 90/14), Komisija za javnu nabavku je izvršila ponovni pregled i ocjenu ponuda i sačinila Zapisnik o ponovnom pregledu i ocjeni ponuda broj: 0101-3799-10-LOT 1./18 od 28. 09. 2018. godine, koji je sastavio dio ove Odluke.

U cilju okončanja postupka javne nabavke, postupajući po stavovima Ureda za razmatranje žalbi BiH, navedenim u Rješenju broj: JN2-03-07-1-1037-9/18 od 06. 09. 2018. godine, u skladu sa članom 69. stav (1) tačka a) i članom 64. stav (1) tačka b) Zakona o javnim nabavkama, Komisija za javnu nabavku je dala preporuku rektoru Univerziteta u Sarajevu da za nabavku usluge: LOT 1. Osiguranje zaposlenika od nezgode, donese odluku o izboru i dodjeli ugovor ponuđaču Adriatic osiguranje d.d. Trg međunarodnog prijateljstva 20, 71000 Sarajevo.

Iz gore navedenih razloga, primjenom člana 69. stav (1) tačka a) i člana 64. stav (1) tačka b) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

POUKA O PRAVNOM LJJKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj



Dostaviti:

1. "GRAWE OSIGURANJE" d.d. Trg solidarnosti 2, 71000 Sarajevo
2. Adriatic osiguranje d.d. Trg međunarodnog prijateljstva 20, 71000 Sarajevo
3. Prorektor za finansije
4. Generalni sekretar
5. Služba za računovodstvo i finansije
6. Služba za javne nabavke
7. web stranica UNSA
8. a/a

Prilog: Zapisnik o ponovnom pregledu i ocjeni ponuda LOT1. Osiguranje zaposlenika od nezgode